

„DOMSKI ŽIVOT“

„ Jedna lijepa riječ može zagrijati tri zimska mjeseca“

Japanska narodna poslovice



Decembar, 2016

BROJ:44

UČENICI

I lutkama sam svojim govorila: Biću učiteljica!

Pa sam im čitala lektiru. Ma oduvijek sam znala da ću biti učiteljica.

Kada bi se igrali igre pretvaranja nikada se nisam zamišljala kao princeza ili glumica. Uvijek sam postajala učiteljica. Penziju sam dočekala kao uposlenica osnovne škole “ Hamdija Kreševljaković”.

Znanje koje sam stekla obrazovanjem trudila sam se da prenesem učenicima imajući u vidu da je igra najbolji način za pamćenje .

Ilibih učeći ih slovima , kad god je to bilo ostvarivo smislila neku pjesmicu ili imenovala pojmove u okruženju.

Imam dovoljno godina da znam šta je to zaborav. Ne očekujem zahvalnost ili da se pamti kada učinim nekom nešto, što rado činim kada se i ja osjećam boljom. Ipak povrijedi me ravnodušnost, tamo gdje se očekuje, ohrabrenje ili razumijevanje, a toga ima nedopustivo često.

Čak i među članovima porodice ili prijateljima.

Mene moji đaci ne zaboravljaju. Sjete me se uvijek kada je rođendan. Nedavno su me pozvali bivši đaci iz generacije u kojoj su neki postali moji kolege na večeru.

Mene su upoznali sa srednjoškolskim i fakultetskim pedagogima.

I taj me nezaborav ispuni svu poletom.

Bože, koliko imam djece !

(ODLOMAK IZ KNJIGE ŽIVA SLOVA SPOMENARA SUGRAĐANA TREĆE DOBI AUTORA MIRSADA BEĆIRBAŠIĆA)

PROSLAVA SA FIRMOM R&S

Uposlenici firme R&S su obradovali korisnike našeg Centra, povodom dvadeset

godina postojanja njihove firme. Firma R&S je dugogodišnji poslovni partner te su iskoristili,

ovu godišnjicu da uruče vrijednu donaciju našem Centru, organizuju malo raniju proslavu prave Nove Godine,

uz svečani ručak, balone, slikanje svih korisnika te izradu fotografija, tombolu sa nagradama, kao i tamburaše koji su zabavljali korisnike,

izvedbom raznih pjesama. Stekao se dojam da je Nova godina zaista već došla u naš Centar, koliko je bila divna atmosfera. Našim prijateljima

od srca hvala na divnoj gesti i uloženom trudu da obraduju korisnike treće životne dobi.

SLIKE SA PROSLAVE



POSJETA ALDIJANE TUZLAK

Korisnike naseg Centra je u vrijeme decembarskih praznika obradovalo gostovanje mlade pjevačice Aldijane Tuzlak. Inace, Aldijana je poznata kao vrsna interpretatorica sevdaha i starogradskih pjesama, a takođe je i stalni

član ansambla Narodnog pozorista. Korisnici su sat vremena uzivali u prelijepoj izvedbi mlade muzičke zvijezde, a na kraju se zaigralo i kolo. Svima je poželjela puno zdravlja, sreće i radosti u nadolazećoj godini, a mi joj se od srca zahvaljujemo sto je istinskim sevdahom počastila nase korisnike.



POSJETA MAGAZINA STAV

Naš centar je posjetila ekipa magazina Stav koji su naše korisnike obradovali i poklon paketima. Pokloni su obezbijedeni za sve korisnike kako Centra tako i Prihvatne stanice. Takođe su korisnicima i obezbijedeni arhivski brojevi magazina Stav



STAV

CERTIFIKAT ZA BONITETNO POUZDANE PARTNERE

U sklopu LRC-ovog projekta Bonitetne certifikacije preduzeća u BiH, KJU "Gerontološki centar" Sarajevo se u skladu s ostvarenim poslovnim rezultatima izdvojila kao natprosječna te se svrstala u sami vrh bonitetno pouzdanih partnera.

U 2016. godini LRC d.o.o. je na Business Leadership konferenciji u Sarajevu započeo izdavanje Certifikata bonitetne pouzdanosti privrednim subjektima, za koje se na osnovu stručne analize finansijskih izvještaja i ostalih ekonomskih parametara može procijeniti visok stepen vjerovatnoće da se radi o finansijski pouzdanim partnerima. Tom prilikom KJU "Gerontološki centar" Sarajevo je dodjeljen certifikat za 2016. godinu koji potvrđuje da su finansijsko stanje i opće poslovanje na visokom nivou, te da se nalazimo u samom vrhu najpouzdanijih kompanija u BiH.

POSJETA ANE BABIĆ-PREDSJEDAVALJUĆE SKUPŠTINE KANTONA SARAJEVO

Predsjedateljica Skupštine Kantona Sarajevo Ana Babić posjetila je danas Kantonalnu javnu ustanovu "Gerontološki centar" i tom prilikom održala sastanak sa zaposlenicima, te obišla naše korisnike.

"Veoma sam zainteresirana za projekte koje namjeravate realizirati u narednom periodu, a za koje ćete uvijek imati podršku od mene. Dolaskom ministrice Amele Dautbegović na čelo vašeg resornog ministarstva poduzeti su značajni koraci u oblasti socijalne zaštite kojim su se konačno počeli rješavati problemi sa kojima su se suočavale mnoge, a među njima i vaša ustanova.

Duboko vjerujem da neće izostati podrška, kako vašeg resornog ministarstva tako i cijele Vlade KS, vašoj ustanovi koja se brine o osobama treće životne dobi. Iako su baš one, nažalost, u našem društvu marginalizirane, mišljenja sam da ne smiju biti otpisane, nego stalno trebaju biti u fokusu našeg interesovanja", rekla je predsjedateljica Babić.



NAGRADNA IGRA BINGO

**DOBITNIK NAGRADNE IGRE BINGO ZA MJESEC DECEMBAR
SMO IMALI TRI DOBITNIKA : LAČO JURE, NUJIĆ MIJO I HODŽIĆ
BEHKA. ČESTITAMO!!!**

